

محضر اجتماع الجمعية


العامة العادية

شركة النيل للأدوية

والصناعات الكيماوية

المنعقدة في ٣٠ - ٩ - ٢٠٢٠





شركة النيل للأدوية والصناعات الكيماوية
أمانة سر الجمعية العامة

محضر إجتماع
الجمعية العامة العادية
لشركة النيل للأدوية و الصناعات الكيماوية
فى ٢٠٢٠/٩/٣٠

السيد الاستاذ الدكتور / احمد معتز فتحي حجازى -

صباح الخير ولا مساء الخير جميعا

- بنرحب بحضراتكم فى الجمعية العامة لشركة النيل للأدوية عن العام المالى المنتهى فى ٢٠٢٠ / ٦ / ٣٠ نرحب بالسادة اعضاء الجمعية العامة والسادة اعضاء الجهاز المركزى:

- السيدة الاستاذة / ايمان عبد العاطى السيد وكيل أول وزارة - مدير ادارة مراقبة حسابات شركات الادوية بالجهاز المركزى للمحاسبات

السيد الاستاذ / حسام محمد عنان وكيل الوزارة - نائب اول مدير الادارة

السيد الاستاذ / محمد عبد الحميد حسن المعطر مدير عام - نائب مدير الادارة

• السادة مقييىمى الأداء بالجهاز المركزى للمحاسبات :

السيدة الاستاذة / سونيا صبحى امام - وكيل الجهاز للادارة المركزية لمتابعة تنفيذ الخطة وتقويم الاداء لقطاعات الانتاج والمشروعات القومية بالجهاز المركزى للمحاسبات .

السيد الاستاذ / طارق محمد سلطان - رئيس قطاع الصناعات الدوائية بالجهاز المركزى تقويم الاداء

السيد الاستاذة / صفاء عبد الجليل محمد - رئيس قطاع الصناعات الدوائية بالجهاز المركزى تقويم الاداء

أمانة سر الجمعية العامة

الاستاذة المحاسب / عواطف عبد العزيز

جامعى الاصوات :-

الاستاذ / مصطفى خيرى - الاستاذة / نجلاء السيد عبد القادر

نسبة الحضور : ٧٤.٢٨ %

ننتقل لأعمال الجمعية العادية

دكتور / محسن .. اتفضل يافتندم .

بسم الله المستعان

عبد العزیز

تقرير مجلس الإدارة
عن السنة المالية المنقضية في ٢٠٢٠/٦/٣٠

بسم الله الرحمن الرحيم

السيد الأستاذ الدكتور / رئيس مجلس إدارة الشركة القابضة للأدوية ورئيس الجمعية العامة

السادة الأفاضل / أعضاء الجمعية العامة

السيدة الأستاذة المحاسبة / وكيل أول الوزارة مدير إدارة مراقبة حسابات الأدوية

الجهات المركزي للمحاسبات

السيد الأستاذ المحاسب / وكيل الوزارة رئيس قطاع الصناعات الغذائية والدوائية الإدارية المركزية لمتابعة تنفيذ الخطة وتقييم الأداء

السادة الأفاضل / المساهمين والحضور الكرام

أطيب تحية موصولة بعظيم الاحترام والتقدير لحضراتكم جميعا ،،،

يتشرف مجلس إدارة شركة النيل للأدوية أن يعرض على حضراتكم نتائج أعمال العام المالي ٢٠٢٠/٢٠١٩ والتي تحققت بفضل الله تعالى ثم جهود العاملين أبناء الشركة مشموله بالدعم المتواصل من الشركة القابضة للأدوية وكذا الثقة والتعاون الإيجابي مع كافة شركاء العمل وصول لتعظيم المؤشرات الايجابية ورفع الكفاءة لتطوير أداء الشركة في كافة مجالات النشاط .

وقد بلغت صافي أرباح هذا العام ٩٣.٤ مليون جنيه مقابل ٦.٧ مليون جنيه العام الماضي ٢٠١٨ - ٢٠١٩

وهذا نتيجة من إيرادات النشاط الجاري الذي بلغ مبلغ ١.٥٠٠ مليون جنيه مقابل ٦٣٨.٣ مليون جنيه عن العام السابق .

وهذا يعكس التحسن في معامل الربحية لجنية التحسن الملحوظ الذي حدث عن هذا العام السابق .

قد تحققت هذه النتائج الطيبة رغم استمرار وجود عدد من المعوقات التي تواجهها الشركة وايضا المتمثلة الجزء الاكبر منها في احداث التي تعرضت لها البلاد لجائحة كورونا والتي أدت الى زياده تكلفة القدرة الإنتاجية للحفاظ على الأداء الجيد والأمن للعاملين وتوفير البيئة الصحية الأمانة للشركة بجميع قطاعاتها وكانت للخطوات التصحيحية المتخذة في مواجهة هذه التحديات الاثر الايجابي ونستعرض مع حضراتكم .

فيما يلي عرض تحليلي على ادارة الشركة :-

فيما يلي عرض تحليلي لنتائج الاعمال

١- النشاط الجاري

بلغت إيرادات النشاط الجاري خلال العام المالي ٢٠٢٠/٢٠١٩ مبلغ ٨١٢.٥ مليون جنيه مقابل ٦٣٨.٣ مليون جنيه المحقق في العام المالي السابق بزيادة قدرها ٢٧.٣% عن العام السابق ، ومقابل مستهدف مبلغ ٧٤٠.٠ مليون جنيه بزيادة قدرها ٩.٨% وتشمل إيرادات النشاط الجاري صافي المبيعات والصادرات وإيرادات تشغيل للغير وبالنسبة المبيعات المحلية بلغت ٨٠٩.٦ مليون جنيه مقابل ٦٣٠.٩ مليون جنيه المحقق في العام المالي السابق بزيادة قدرها ٢٨.٣% ومقابل مستهدف بلغ ٧٣٠.٠ مليون جنيه بزيادة قدرها ١٠.٩% . قيمة الصادرات خلال العام المالي ٢٠٢٠/٢٠١٩ مبلغ ٢٦.٣ مليون جنيه مقابل ٢٨.٠ مليون جنيه المحقق في العام المالي السابق بنقص قدره ٦.١% ومقابل مستهدف ٤٠.٠ مليون جنيه بنقص قدره ٣٤.٣% وهذا كانت نتيجة لجائحة كورونا لتعطل اعمال الشحن لمدته ثلاثة شهور على الاقل خلال العام المالي المنصرف ايضا بلغت إيرادات تشغيل للغير خلال العام المالي مبلغ ٢.٩ مليون جنيه مقابل ٧.٤ مليون جنيه المحقق في العام المالي السابق بنقص قدره ٦٠.٨% ومقابل مستهدف بلغ ١٠.٠ مليون جنيه وهذا مرجعه لزياده الانتاج الخاص بشركة النيل .

بلغت قيمة الإنتاج بسعر البيع خلال العام المالي ٢٠٢٠/٢٠١٩ مبلغ ٧٨٩.٨ مليون جنيه مقابل ٥٥٢.٦ مليون جنيه المحقق في العام المالي السابق بزيادة قدرها ٤٢.٩% ومقابل مستهدف قدره ٦٨٠.٠ مليون جنيه بزيادة قدرها ١٦.١% .

تكلفة المبيعات :-

بلغت تكلفة المبيعات للعام المالي ٢٠٢٠/٢٠١٩ مبلغ ٥٥٨.٧ مليون جنيه بنسبة ٦٨.٨% من إيرادات النشاط الجارى مقابل ٥٠٢.٣ مليون جنيه خلال العام المالي السابق وبنسبة ٧٨.٧% وده بيبين تحسن فى كلفة المبيعات مقارنة من إيرادات النشاط الجارى بنقص قدره ٩.٩% ، والاستمرا فى تحسين هذه النسبة الناتجة من زيادة كفاءة العمليات الفنية ومقابل مستهدف بلغ ٥٦٣.١ مليون جنيه بنسبة ٧٦.١% من إيرادات النشاط الجارى بنقص قدره ٧.٣% .

الأجور والعمالة :-

بلغت الأجور المنصرفة خلال العام المالي ٢٠٢٠/٢٠١٩ مبلغ ١٨١.٥ مليون جنيه بنسبة ٢٢.٣% من إيرادات النشاط الجارى مقابل نسبة ٢٤.٤% خلال العام المالي السابق بنقص قدره ٢.١% ومقابل نسبة ٢٤.٣% كمستهدف بنقص قدره ٢.٠% ودا من احدى الارقام تحسن فى النية وهذا مستهدف فى السنوات القادمة .

الخامات والمواد والوقود وقطع الغيار :-

الخامات والمواد والوقود وقطع الغيار من أهم عناصر الإستخدامات الجارية وقد بلغت نسبتها إلى الإنتاج بسعر البيع خلال العام المالي ٤٧.٩% مقابل ٦٠.٣% خلال العام المالي السابق بنقص قدره ١٢.٤% وده من احدى المستهدفات فى الاعوام السابقة ومقابل مستهدف ٥٧.٥% بنقص قدره ٩.٦% .

دكتور / احمد حجازى :-

دكتور محسن تسمحلى اقاطع حضرتك

دكتور / محسن :-

اتفضل يا فندم

الملاحظة :-

دكتور / احمد حجازى :-

واضح من تعظيم نسبة الربح مقارنة بالسنة اللى فاتت و السنه دى ان كل المؤشرات حضرتك كلها ممتازة الحمد لله كنت حب اسمع من المدير المالي ورئيس القطاع المالي هو ايه اللى حصل لا استنى اصل هى دى الجمعية بالنسبالي ان زياده فى المبيعات يعنى مش الرقم العملاق فى زياده كام ٢٤% والربح اتضاعف كام مرة .

الرد

رئيس القطاع المالي / محمد عبد العزيز :- من ٧.٦ مليون بقى ٩٣ مليون .

تعقيب دكتور / احمد حجازى :-

السبب اننا بخص رئيس القطاع المالي بالسؤال ان الدكتور محسن قضى اخر ثلاثة شهور فقط فاعاوز اسمع منك انت بقى تقولنا ايه اللى حصل .

الرد

رئيس القطاع المالي / محمد عبد العزيز :-

اللى حصل طبعا انه تم تنشيط البيع

تعقيب دكتور / احمد حجازى :-

لا رد عالية بالارقام محنا اتفقنا تنشيط البيع كام فى المنه احنا طلعا من ٦٣٨.٣ مليون ٢٧% الى ٨٢١ مليون

الرد

رئيس القطاع المالي / محمد عبد العزيز :- ٢٨%

دكتور احمد حجازى :- تمام ٢٨ % .. ٥٠ % انا عايز اعرف اية اللى حصل

الرد

رئيس القطاع المالى / محمد عبد العزيز :- زيادة الاسعار يادكتور

تعقيب دكتور / احمد حجازى :-

لم اجى احل الربحية اللى حصلت عليها او حققتها شركة النيل يعنى فى زيادة اسعار عملت قد ايه من الربحية ولا تقليل تكلفة يعنى احكلى الطفرة اللى حصلت فى الارباح دى كان سببها ايه

الرد

رئيس القطاع المالى / محمد عبد العزيز :-

منا بقول لسيداتك كان فى كذا عنصر من زيادة البيع والزيادة السعرية فى ترشيد الاتفاق فى الفوائد المدينة فرق جامد من السنه دى السنه اللى فاتت فى الغرامات وفى بعض التعويضات والخدمات المشتراه قلت بنسبة معقولة رشدنا جميع عناصر التكلفة وتعظيم المبيعات

تعقيب دكتور / احمد حجازى :-

عاوز اجابة اكثر شمولاً اكثر من كده دى كلها عناوين يعنى لم تقولى زياده اسعار حقق قد اية قللت تكلفة بقدر اية قللت تكلفة مدينة بقدر اية يعنى لم نجى نحلل الربحية دى مقارنة ب٦.٧ مليون ٩٣ ما اتتا لو قولتلى زياده مبيعات هطلب منك نفس الربحية السنه اللى جيه بالنسبة المقترضة يعنى

الرد

رئيس القطاع المالى / محمد عبد العزيز :-

السنه اللى فاتت بردو كان فى بعض عناصر التكلفة كانت عالية شوية وفى بعض الغرامات والاعباء كانت عالية شوية

الرد

رئيس مجلس الادارة / محسن فاروقى :-

لو تسمعلى يافندم السبب الرئيسى لتحقيق هذه النسبة الملحوظة فى زيادة الربحية بنبدأ بشئ هام وملحوظ هو عودة الاراده وعوده الوعى لقيادات الشركة جميعاً والعاملين بهدف التغلب على النتائج الغير مرضية فى السنوات السابقة باعتبار ان ده العامل الاساسى الذى ادى الى تعظيم هذه الربحية ثم يأتى طبعا المجموعه البيعية المنبئة التى تمثلت مجمل مبيعات الشركة لتحسين وتغيير سعر بيع الجمهور بالاضافة التحسن الملموس فى كلفة المواد المشتراه الاولية وزياده كفاءة اللى بنقول عليها effective زياده كفاءة العمليات الفنية اللى انعكست على ناتج زائد من العمليات الفنية زادت ٢% عن العام السابق كله ده بيعظم فى ارقام البيع ويقلل ما يطلق عليه نسبة الخسائر اللى اتحملتها الشركة وهعمل لحضرتك بيان تحليلى حاقدمه لسيداتك ان شاء الله

تعقيب دكتور / احمد حجازى :-

كنت عايز اسأل انت جى الجمعية المقروض تكون معاك اومال داخل الجمعية تعمل اية

الرد

رئيس القطاع المالى / محمد عبد العزيز :- على اساس العناصر الموجودة فى تقرير مجلس الادارة

تعقيب دكتور / احمد حجازى :-

وانا مسألتنش سؤال بره المنهج والله ان سأل سؤال من جوة المنهج كل الاسئلة من المنهج مفيش حاجة من برة

الرد

رئيس مجلس الادارة / محسن عبد العظيم :- يعنى هو طبعا زياده الاسعار اثر ايجابى مع زيادة فعالية عمليات الانتاجية

دكتور احمد حجازى :- طيب اسأل سؤال كان فى بيع السنة اللى فاتت لأصناف مخسرة مسيبالك خسارة قد اية والسنة دى مسيبالك خسارة قد اية

الرد

رئيس مجلس الادارة / محسن عبد العظيم :-

هو السنه دى فى ١١ مليون خسائر من مجمل اعمال مبيعات ٨١ مليون بالنسبة للعام السابق حوالى حاجة وثلاثون مليون نسبة الخسارة التى تحققت فى العام ٢٠١٨ - ٢٠١٩ .

تعقيب دكتور / احمد حجازى :-

طيب نقدر نقول ما هو ده اللى انا بسأل فيه يجماعه تحليل الربحية ٢٠ مليون جنية فرق خسائر طيب فى اصناف تانية ربحها زادت وكانت مربحة فعملتلى فرق فى السعر قد كدة يعنى طيب رئيس قطاع البيع هنا ممكن نسمع منك

رئيس قطاع التسويق د / طارق :-

بسم الله الرحمن الرحيم هو حضرتك الطفرة فى الربحية نتيجة حاجتين بالنسبة فى قطاع التسويق اول حاجة الزيادة السعرية كان لها اسباب كبيرة جدا فى موضوع الربحية زائد زيادة البيع مع التركيز بعض المستحضرات اللى بها ربحية دى ركزنا عليها كويس جدا فا بالتالى الرقم ظهر بهذا الشكل ده بمنتهى الاختصار ، زائد فيه تكلفة قلت فى المشتريات والخامات والمستلزمات بصورة كبيرة جدا دى بردو زودت الربحية

تعقيب دكتور / احمد حجازى :- نفس اجابة رئيس القطاع المالى شكرا جزيلاً الدكتور محسن تحب تضيف حاجة

رئيس مجلس الادارة / محسن فاروق :-

اه احب اضيف لحضرتك احنا فى قطاع العطاءات والمناقصات ان هناك تحديث لبعض الترسية لبعض المستحضرات انعكست بملغ ٢٥٠ مليون وكان نسبة الربحية فيها مرتفعه على غير العادة فى مناقصات تحقق بعض الخسائر هى كانت كل الاعمال الخاصة بالعطاءات والمناقصات اسفرت وعكست ارباح ملحوظة

تعقيب دكتور / احمد حجازى :- وده تم طبعا بعد تعديل اسعار الترسية بعد ما زادت ٥٠% لكل اصناف الترسية

رئيس مجلس الادارة / محسن عبد العظيم :-

تبقى لينا نركز فى بعض المستحضرات المنتظر طرحها فى خلال هذا العام الحالى احنا عندنا ٧ مستحضرات يتمثلو معظمهم فى دودتش فورم الامبول عندنا فرص بيعية ليهم وعندنا طاقات انتاجية ان شاء الله نعمل على طرحها فى السوق اذا استعرضنا القوائم المالية الرقم المنفت والمحوظ بالنسبة لنا اجمالى الاستثمارات ٣٤٠ مليون مقابل ٢٥٠ مليون عن العام السابق تمثلت الاصول اللى هى تنقسم فى اصول طويلة الاجل ١١٧ مليون هو نفس النسبة عن العام الماضى بلغت ١٢١ مليون انما صافى راس مال العامل هو ده اللى زاد اصبح ٢٣٣ مليون مقابل ١٣٠ مليون عن العام السابق وقيمة المنتج التام زاد بهذه الزيادة والقوائم المالية فى الشركة تدفقات النقدية بلغت ٤٩.٧ مليون جنية مقابل ٧٢.٢ مليون عن العام المالى السابق ودا رقم قيمة المخزون وده انعكاس فى القوائم المالية للشركة وفى ختام تقريرنا نتقدم بخالص الشكر والتقدير للسيد الأستاذ الدكتور / رئيس مجلس إدارة الشركة القابضة للأدوية ورئيس الجمعية العامة والسادة أعضاء الجمعية العامة والسيدة الأستاذة / وكيل أول الوزارة مدير إدارة مراقبة حسابات الأدوية والسادة النواب والسادة مراقبي الحسابات والسادة مسنولى تقويم الأداء على ما قدموه لنا من عون وجهد مخلص فى سبيل تقدم وإزدهار الشركة .

وبناء على ما تقدم نرجو التكرم بالموافقة والتصديق على ما يلى :-

- ١- تقرير مجلس الإدارة عن نشاط الشركة عن العام المالى ٢٠٢٠/٢٠١٩ .
 - ٢- التصديق على القوائم المالية والحسابات الختامية عن السنة المالية المنتهية فى ٢٠٢٠/٦/٣٠ .
 - ٣- اعتماد صرف علاوة خاصة بنسبة ٧% شاملة العلاوة الدورية كاملة للعاملين اعتباراً من ٢٠٢٠/٧/١ طبقاً للقواعد المنظمة لها .
 - ٤- إبراء ذمة مجلس الإدارة عن العام المالى فى ٢٠٢٠/٦/٣٠ .
- كل التحية والتقدير والاحترام وجزيل الشكر لحضرتك يافندم ولك التعليق

تعقيب دكتور / احمد حجازى :-

شكرا دكتور محسن نتانج هايلة والشكر موصول لزميلنا الدكتور هشام عبد العزيز اللى تولى ادارة الشركة فى العام الماضى لمدته ٩ شهور ومجلس ادارة شركة النيل واكيد جميع العاملين بالشركة يعنى مجهود رائع وان شاء الله السنة دى تبقى استمرار فى تحقيق المزيد من نجاحات الاستاذة / ايمان اتفضلنى يا فندم

الاستاذة / ايمان :-

بسم الله الرحمن الرحيم ارحب بالاستاذ الدكتور رئيس مجلس ادارة الشركة القابضة للادوية ورئيس الجمعية العامة لشركة النيل للادوية والصناعات الكيماوية ارحب بالساده اعضاء الجمعية والساده الحضور معروض على حضرتكم تقرير مراقب الحسابات عن القوائم المالية لشركة النيل للادوية والصناعات الكيماوية عن السنة المالية المنتهية فى ٢٠١٩-٢٠٢٠ هو تقرير غير متحفظ ومطروح بالكامل وسيلقى مراقب الحسابات سيلقى بعض الملاحظات

الاستاذ / محمد عبد الحميد

مراقب الحسابات بسم الله الرحمن الرحيم

الاستاذ الدكتور رئيس مجلس ادارة الشركة القابضة ، السيد الاستاذ الدكتور رئيس مجلس الادارة والعضو المنتدب لشركة النيل للادوية ، السادة اعضاء الجمعية العامة السادة المساهمين السادة الحضور تقرير مراقبة الحسابات عن مراجعه القوائم المالية لشركة النيل للادوية والصناعات الكيماوية فى ٢٠٢٠/٦/٣٠ الى السادة مساهمى شركة النيل للادوية والصناعات الكيماوية راجعنا القوائم المالية المرفقة لشركة النيل للادوية والصناعات الكيماوية شركة تابعة مساهمة مصرية خاضعة لاحكام القانون ٢٠٣ لسنة ٩١ والمتتمثلة فى قوائم المركز المالى فى ٢٠٢٠/٦/٣٠ قوائم الدخل والدخل الشامل والتغيرات فى الحقوق الملكية والتدفقات النقدية عن السنة المالية المنتهية فى ذلك التاريخ وملخص للسياسات المحاسبية الهامة وغيرها الايضاحات مسنولية الادارة عن القوائم المالية : هذه القوائم مسنولية ادارة الشركة فالادارة مسنولة عن اعداد وعرض القوائم المالية عرضاً عادلا وواضحا وفقا لمعايير المحاسبة المصرية

مسئوليه مراقبى الحسابات تتحصر مسنوليتنا فى ابداء الرأى على هذه القوائم المالية فى ضوء مراجعتنا لها وقد تمت مراجعتنا وفقا لمعايير المراجعة المصرية وفى ضوء القوانين المصرية السارية وعن ادائها المالى .

الرأى : ومن رأينا القوائم المالية المشار اليها اعلاه تعبر بعداله ووضوح فى جميع جوانبها الهامة عن المركز المالى لشركة النيل للادوية والصناعات الكيماوية فى ٢٠٢٠/٦/٣٠ شركة تابعة مساهمة مصرية وتدفقاتها النقدية عن السنة المالية المنتهية فى ذلك التاريخ وذلك طبقا لمعايير المحاسبة المصرية وفى ضوء القوانين واللوائح المصرية ذات العلاقة باعداد القوائم المالية . بالنسبة للملاحظات .

ملاحظة : الجهاز المركزى

استاذ / محمد عبد الحميد المعطر :-

- مازالت الأصول الثابتة تتضمن أصول غير مستغلة تتمثل فى:

- جزء من أرض مصنع الشركة بالأميرية والبالغ مساحته فدان و ١٩ قيراط و ٧ سهم محل نزاع بين الشركة و"الشركة السعودية وهينة الأوقاف" ، التى قامت باستقطاعها من الشركة وبيعها للشركة السعودية وقد صدر لها حكم بالدعوى رقم 293 لسنة 2007 بإحالتها للخبراء وتم تقدير الجزء المستقطع موضوع الدعوى ومازالت الدعوى متداولة.
- فرع بحري بشوارع بورسعيد بمساحة ٢م٢٠٠٠ والذي تم إخلائه بصدد بيعه وفقا لقرار الجمعية العامة فى ٢٠١٧/٩/٣٠ وتم تقييم الفرع بواسطة مقيمين معتمدين لدى البنك المركزى وتم ارسال التقارير للشركة القابضة لاتخاذ قرار فى هذا الشأن.
- هذا بخلاف مقرات حق انتفاع غير مستغلة بينها كالتالى :
- أرض الشركة بالمجزر الألى بمساحة ٢م ٢٠٠ والمباني المقامة عليها وهى غير مستغلة منذ توقف انتاج الخيوط الجراحية منذ عام ١٩٩٣ وحتى تاريخه ولم تقم الشركة بالتنازل عن الأرض نظراً لتدني القيمة العادلة المتوقعة عن ذلك.
- أرض فضاء بجمصة بمحافظة الدقهلية بمساحة ٢م١٢٥٠ مقام عليها أساسات لمشروع فندق للشركة والتي تم إلغاء ترخيصها وسحبها بمعرفة مجلس المدينة لعدم سداد مقابل حق الانتفاع ولم تقم الشركة بتقدير مخصص لمقابلة الخسارة المحتملة للدعوى المقامة بشأن أرض جمصة بنحو ٤١٣ ألف جنيه.
- مقر المكتب العلمى بعماد الدين والمغلق منذ سنوات ويسدد عنه إيجار سنوي بنحو ٩٦٠٠ جنيه.

الرد :-

رئيس القطاع المالي : محمد عبد العزيز - بسم الله الرحمن الرحيم
بشأن الأرض بمقر الشركة الأميرية احيلت الدعوي الي لجنة ثلاثية من خبراء وزارة العدل و تم تقدير الجزء المستقطع موضوع النزاع و مازالت الدعوي متداولة بجلسات المرافعة .

تعقيب استاذ / محمد عبد الحميد المعطر :-

تم تقديره بكام بقى يعنى القيمة اللى تم تقديرها بكام .

الرد :-

رئيس مجلس الادارة : محسن عبدالعظيم :-

القيمة اللى حكمت بيها خبراء المحكمة ٤ مليون و الشركة استأنفت على هذا التقدير الى خبرا معتمدين اتوا لنا بتقدير يوازي ٧٠ مليون جنية وسيتم الرجوع للمحكمة فى هذا التقدير اللى ببساوى ٤ مليون نسق نفسه لإجرائتها القانونية على هذا الاساس

الرد :-

رئيس القطاع المالي : محمد عبد العزيز

- بشأن فرع بحري بشارع بور سعيد تم تقييم قيمة الفرع بواسطة ثلاثة من المقيمين المعتمدين لدي البنك المركزي و تم ايداع التقارير بأظرف مغلفة و ارسالها للشركة القابضة للأدوية بتاريخ ١٣ / ٦ / ٢٠٢٠ لإتخاذ القرار في هذا الشأن .
- بشأن ارض المجرز الألي هذه الأرض مرتبطة بالنشاط و قد توقف انتاج الخيوط الجراحية بالشركة .
- بشأن ارض فضاء بجمصة مازال الدعوي متداولة امام القضاء .
- وبشأن المكتب العلمي بعماد الدين و المؤجر تم اعداد بيان بالأرض و المباني و حقوق الإنتفاع و المباني المؤجرة الغير مستغلة و ارسالها الي الشركة القابضة للأدوية لإتخاذ اللازم من خلال اللجان المتخصصة في هذا الشأن .

تعقيب استاذ / محمد عبد الحميد المعطر :- يعنى انت سلمت للشركة القابضة فى ٦ / ١٣ مش كده .

الرد :- الدكتور احمد حجازي :-

ياقندم فى لجنة مشكله بمعرفة وزارة قطاع الاعمال اللى بتداول او بتشتغل على التصرف فى الاصول مش بالنسبة للشركة القابضة فقط لكن دة بالنسبة لكل القوايض اللى تبع الوزارة .

ملاحظة الجهاز المركزي

استاذ / محمد عبد الحميد المعطر :-

تضمنت الاصول الثابتة طاقات عاطلة بنحو ١٥ مليون جنية بالأقسام المتوقف بعضها منذ عام ٢٠١٠ (البنسيلين، الكبسول، البيوتكنولوجى) .

الرد : رئيس القطاع المالي / محمد عبد العزيز :-

جاري دراسة سبل الحصول على التمويل اللازم لإجراء تطوير تلك الأقسام بما يتلائم مع متطلبات التصنيع الجيد G M P بالتنسيق مع الشركة القابضة للأدوية .

تعقيب الجهاز المركزي

استاذ / محمد عبد الحميد المعطر :-

بس دى أقسام متوقفه بقالها سنين فهل لها خطة السنة اللى جية او حاجة

الرد رئيس القطاع المالي : محمد عبد العزيز :

رئيس القطاع المالي : محمد عبد العزيز فيها مستحضرات البنسلين موقوفة اصلا من قبل وزارة الصحة

محمد

السردي رئيس مجلس الإدارة / محسن فاروق :-

التي تخص مجموعات البنسلين التي هي طاقة البيتنا لاكتام حاليا ويتم نقل حاجات التصنيع وبعض المستحضرات انتقلت والبعض الاخر يستكمل بناء التصنيع لدى الغير ومعظمها لشركات تابعة للشركة القابضة للادوية وذلك هناك معوقات فنية تحول عن تجديد المنطقة وعودتها مرة ثانية لتصنيع مثل هذه النوعية من المستحضرات المعوقات دي زى القواعد و التراخيص اللازمة فى نهاية مع الادوية الاخرى المنتجة الغير مصنفة ونحن نرى ان هذه بعد ما حايتم عليها الدراسات سنستغلها فى اعمال انتاجية للمستحضرات المنتجة حاليا داخل شركة النيل وعملية اعادة تجديدها بيستلزم بروتوكول بيتم اعتماده واحنا فى سبيل لهذا البروتوكول لنضع المساحات الغير مستغلة موضع للاستغلال للشركات الاخرى .

ملاحظة الجهاز المركزي

استاذ / محمد عبد الحميد المعطر :-

دأبت الشركة على عدم تنفيذ الخطة الاستثمارية فى السنوات المتعاقبة حيث بلغت نسبة المنفذ خلال أعوام ٢٠١٧/٢٠١٨، ٢٠١٩/٢٠١٨، ٢٠٢٠/٢٠١٩ نحو ٢١٪، ١٨٪، ٢٠٪ عن الخطة المستهدفة للعام لتلك السنوات على الرغم من احتياج بعض الأقسام الإنتاجية لتطوير وصيانة لتتوافق مع مواصفات التصنيع الجيد ولتلافي التوقف المتكرر لبعضها مثل قسمي الأقراص والمجفدة والأمبول.

السردي :- الدكتور احمد حجازي :- اسمحلى انا اتدخل فى الحته دي بعد اذنك

السيولة المتاحة لشركة لو تم توجيهها لاي اعمال تطوير كان مستحيل الشركة تحقق الربح التي حققته السنه دي فى ظل انه بنعمل احنا خطه لتطوير شركات الادوية وفى تواصل مع البنك الاهلى وبنك مصر لتطوير كل شركات الادوية بقيمة مليار وسبعمائة مليون جنية فأى استقطاعات وعلى فكرة دي ملحوظة فى كل شركاتنا السنه دي المبالغ التي كانت ممكن تدخل فى التطوير لم جينا وراجعنا الموقف لقينا ان دخولها او استثمارها ك رأس مال عامل فى شراء خامات وانتاج وبيع كان هيبقى انعكاسها ع الشركة هيكون افضل بكثير من انها يتم توجيهها لتطوير وقد لاتكون تكفى لأعمال التطوير التي هيبندوها يعنى هيووقف قسم عشان يطور مش هيقدر يخلصه فأحنا قربنا على الانتهاء مع البنوك لتمويل الشركات فيما يخص اعمال التطوير بالكامل .

تعقيب الجهاز المركزي استاذ / محمد عبد الحميد المعطر :-

يعنى فى السنوات القادمة هيبقى فى تنفيذ للأستثمارات بشكل اكبر

السردي :- الدكتور احمد حجازي :- ان شاء الله بأذن الله

ملاحظة الجهاز المركزي

استاذ / محمد عبد الحميد المعطر :-

- تضمن حساب التكوين الإستثماري ٦,٧٨٩ مليون جنيه قيمة مشروعات لم يتم الاستفادة منها يرجع تاريخ بعضها لعام ٢٠٠٩ وحتى عام ٢٠١٧ يتمثل أهمها في :-
* نحو ٤,٦٠٤ مليون جنيه قيمة مشروع الميكنة والذي لم يتم تقدير اضمحلال لقيمة الخسارة المحتملة للتقادم التكنولوجي للمشروع طبقا لمعيار المحاسبة المصري رقم (١٠) على الرغم من إتخاذ إجراءات إحلال المشروع بنظام جديد "ERP".

* نحو ١,٥ مليون جنيه قيمة شبكة الحريق الخارجية والذي لم تقم الشركة بالتحقيق في أسباب عدم توافقه مع متطلبات الدفاع المدني وما قد يعرض الشركة للقلق حال عدم استيفاء تلك المتطلبات بعد انتهاء المهلة الممنوحة للشركة والتي تنتهي في ٢٠٢٢/٢.

* بالنسبة للنقطة دي انا محتاج اوضح شوية ان الشركة تعافتت مع مكتب النيل الاستشارى فى ٢٠٠٣ وبعدين تم تنفيذه فى ٢٠١١ بدون المكتب الاستشارى ما يراعى متطلبات كود الحريق اللى حدث لية تغير فى ٢٠٠٨ وبالتالي الشركة المنفذه نفذت على المقايسة اللى عملها الاستشارى يعنى هو كان طالب عزل لمواسير المياه عن مواسير الحريق و الكلام ده مخدش موافقة من الحماية المدنية اللى بدورها طلبت مكتب تالى مكتب القاهرة الاستشارى قدمو عروض القاهرة قدم ٥٠ وفاروق القاضى ١٤٥ اتقبل القاهرة الاستشارى وبعدين طلب الرسومات ، والرسومات عند فاروق القاضى فطلب من الشركة لو خدت الرسومات الشركة تدفع ١٠٠ الف جنية كمان فعرضة اصبح ب ٢٤٥ فلامور، ثم اتغيرت الامور و القاهرة قالت لو هعمل الرسومات فالعرض هيقف على ٢٠٠ رسيت فى الاخر على فاروق القاضى اللى هو معاه الرسومات وهو الاستشارى اللى حط المقايسة فى البداية لشركة لبترو فاير وبترو فير كان المفروض ينفذ فى ٣ شهور ونصف هى استلمت المشروع فى ٢٠١١/٢ خلصته فى ٢٠١٧ /١ فاده كلة كان تأخير وتأخير كبير ملحوظ السبب فيه فاروق القاضى والشركة مخدش الاجراءات الواجبة تجاة الاستشارى ده وبالتالي حاليا فيه مآزق مابين الحماية المدنية والشروط المطلوب تنفيذها

الرد :-

رئيس القطاع المالي : محمد عبد العزيز :-

بشأن شبكة الحريق الخارجية جاري العمل علي تكليف احدي المكاتب الإستشارية المتخصصة في اعمال الحريق بديلاً عن مكتب النيل الإستشاري ، و ذلك طبقاً لتوصيات الإدارة العامة للسلامة والصحة المهنية بناءً علي تقرير الحماية المدنية ، مع اتخاذ الإجراءات القانونية ضد المقاول و مكتب النيل الإستشاري المعد للمقايسة الفنية و المشرف علي المقاول الذي قام بتركيب الطلمبات الغير مطابقة .

تعقيب الجهاز المركزي

استاذ / محمد عبد الحميد المعطر :-

بس التوقف الطويل لفترة طويلة يؤدي لمشكلة في الحماية المدنية مع رخصة تشغيل الشركة .

الرد :-

دكتور محسن فاروق :-

شروطها مش مستوفاه ان هناك حالة حرجة لرخصة التشغيل احنا امام هذه المعضلة التركيز كله رايح للأصلاح وتلافى النقاط الغير مطابقة لكود المصرى للحماية المدنية التعاقد مع الاستشارى المعتمد من الدفاع المدنى سيقود هو العمل لتلافى مثل هذه الاخطاء والاصرار من ناحية الادارة ان احنا يتم هذا العمل قبل المهلة الممنوحة لنا مش ٢٠٢٢ احنا بناخد مهلة كل ستة شهور مهلة مؤقتة احنا بنستهدف الاصلاحات الخاصة بشبكة الحماية المدنية وبتنتهى منها عشان يبقى عندنا رخصة التشغيل الدائمة

تعقيب الجهاز المركزي

استاذ / محمد عبد الحميد المعطر :-

يرجى مراعاة ذلك والتحقيق مع المكتب الاستشارى الخاص بفاروق القاضى و النظر فى صرف باقى مستحقاته والرجوع عليه حال ثبوت انه المتسبب فى عدم موافقة الحماية على منح التراخيص للشركة حتى تاريخه

الرد : دكتور محسن فاروق :-

الاجراء اللى سيتم اتباعه هو هيبقى موضع مراجعه الشئون القانونية مع القطاع المالي لاستبيان اذا كان علينا التزامات ولا لنا حقوق نعود بها على الاستشارى القائم بالاعمال فى الفترة السابقة .

ملاحظة الجهاز المركزي

استاذ / محمد عبد الحميد المعطر :-

تضمن مخزون الإنتاج الغير تام نحو ٢,٧٨٢ مليون جنيه قيمة تشغيلات مفتوحة يرجع تاريخ بعضها لأكتوبر ٢٠١٨ لم يتم الانتهاء منها دون الإفراج عنها مما يضعف فرص بيعها مستقبلاً وترجع أسباب ذلك لتغيير بيان التركيب أو إضافة مورد أو نقل مكان التصنيع لشركة أخرى .

الرد :-

رئيس القطاع المالي : محمد عبد العزيز

بالنسبة للتشغيلات المفتوحة سيتم الإهتمام بمتابعتها لتصبح منتج تام و العمل علي سرعة تصريفها قبل انتهاء مدة صلاحيتها مع دراسة اسباب توقفها و معالجتها و اتخاذ اللازم حيال عدم تكررها .

تعقيب الجهاز المركزي

استاذ / محمد عبد الحميد المعطر :-

بس دة جزء كبير من ٢٠١٣ يرجع تاريخ انه اقترب على الانتهاء

الرد :- دكتور محسن

تمام هو التشغيلات المفتوحة دي تشغيلات تم صنعها انما لم تتم اجراءات الافراج عنها عشان تبقى جاهزة لتداول فى السوق معظم هذه التشغيلات زى ما سيادتك تفضلت بتبقى لها متطلبات عند هيئة الدواء لابد ان تستوفى وهذا الجزء كثير منه فى شركات الادوية بصفة عامة بتعانى من تأخر انهاء اعمال الاختبارات والمطابقة من هيئة الدواء سواء لأسباب فنية لهيئة الدواء اولاستكمالات مطلوبة من الشركات انها تستكملها الهدف كله أن تقلل مثل هذه المستحضرات الراكدة لأنها تعتبر فى حكم الراكدة عشان الفرص البيعية بتاعتها مش متاحة نتاج عدم الافراج عنها من هيئة الدواء .

ملاحظة الجهاز المركزي

استاذ / محمد عبد الحميد المعطر :-

تم تحميل تكاليف الإنتاج نحو ١٢,٠٦٢ مليون جنيه تمثل قيمة بعض المصروفات والتي كان يتعين تحميلها على حساب الأعباء والخسائر وعدم تقييم المخزون بها طبقا لمعيار المحاسبة المصري رقم (٢) والتي تتمثل في نحو ١٠,٢٩٤ مليون جنيه تكلفة الطاقة الغير مستغلة بالأقسام الإنتاجية، نحو ١,٤٧٠ مليون جنيه تكلفة فاقد غير طبيعي، نحو ٢٧٦ ألف جنيه تكاليف غير مباشرة لقسم البيوتكنولوجي المغلق منذ عام ٢٠١٠ ، ٢٢ ألف جنيه تكلفة منتهى الصلاحية بالأقسام الإنتاجية.

الرد :-

- سيتم دراسة و تحميل تكلفة الطاقة غير المستغلة و التكاليف الغير مباشرة و تكلفة المنتهى الصلاحية الغير مطابقة بالأقسام الإنتاجية و تكلفة الفاقد الغير طبيعي علي حساب اعباء و خسائر تطبيقاً للمعيار المشار اليه .

استاذ / محمد عبد الحميد المعطر :-

يعنى حضرتك عملت او اخذت خطوات من المركز المالى للى جى مثلا

رئيس القطاع المالى : محمد عبد العزيز :-

سيتم من المركز المالى اللى جى سيتم تشكيل لجنة من جميع قطاعات الشركة فى تحديد الطاقات المستغلة و الغير مستغلة و عليها نط ايه المعيار المناسب لتكلفة دى

استاذ / محمد عبد الحميد المعطر :-

اعتقد مع تشغيل نظام ERP هيسمحك بسهولة انك تنطبق الكلام ده

الرد :- دكتور محسن :

مؤكد و يقينا زى محضرتك بتتحدث تطبيق نظام ERP هيمكنا من التحديد بكل دقة من الطاقات الغير مستغلة مهما حاولنا بهذا النظام القائم هذه الحسابات غير دقيقة و لن تأتى بنسبة تعبر بصورة حقيقية من الواقع المنفذ الوحيد لينا الوصول مثلا هذه الحسابات تطبيق حساب ERP اللى بيمكنا الدقيق بالبيوتكنولوجى و اسبابه و الاسباب الى ممكن نلخصه ان الـ Know how بتاع هذه الصناعات غير متوفر على مستوى البلاد وقت ما تم بدء فى مثل هذه المشروعات انا ما اراه لعرض على اساتذتنا سيادة الدكتور احمد و الزملا الفنيين كيفية الاستفاده من هذا المبنى و استغلاله فى اعمال اخرى و هيتم طرح هذا المقترح لتغيير الغرض فى هذا البند انا انا ارى و بكل امانه صعوبة استئناف العمل فى قسم البيوتكنولوجى ليس لعدم توافر المعدات و لكن لأن الخبرة اللازمة الغير متوفرة فى الوقت الحالى لهذا القسم .

ملاحظة الجهاز المركزي

استاذ / محمد عبد الحميد المعطر :-

لوحظ انخفاض الطاقة المستغلة لبعض الأقسام الإنتاجية حيث تراوحت نسبة التحقيق بين صفر و ٥٧٪ لأقسام الماء المقطر و الفطرات و المجفدة و الكبسول و المحاليل و نشير الى تدني انتاجية و مبيعات قسم المحاليل و البالغ نسبة استغلاله نحو ٥٥٪ خلال الفترة على الرغم من تحمل الشركة نحو ٧١٨ ألف جنيه سنوياً قيمة صيانة و تشغيل ماكينات الروميلاج بالقسم بخلاف استيرادها قطع غيار لتلك الماكينات بلغت قيمتها نحو ٣,٠٨٩ مليون جنيه خلال الفترة من عام ٢٠١٨ و حتى ٢٠٢٠/٦ وكذا شراء محاليل من شركة النصر بنحو ٦٩٥ ألف جنيه خلال العام فى الوقت نفسه انا خسرت مناقصة وزارة الصحة و اصبح عندى ارتفاع فى فترات الكفاية المحاليل الكستروز و اصبح عندى انخفاض فى فترات الكفاية فى بعض الاصناف المربحة زى اليورسلفين مثلا ف التفسير بتاع حضرتك .

الرد :- دكتور محسن :-

هو بصفة عامة المبالغ التى تم انفاقها و تخصيصها لاعادة تأهيل منطقة المحاليل تعتبر نسبة لمتطلبات الصناعة و التشغيل تعتبر مبالغ مناسبة

استاذ / محمد عبد الحميد المعطر :-

مفيهاش اى نوع من انواع الاستغلال الامثل

محمد

الرد :- دكتور محسن :-

انا متفق معاك ان العام الماضى معظم التشغيل اقسام المحاليل يستهدف منتجات للعطارات والمناقصات ما حدث من تغير فى منظومة الاحتياجات لقطاع المناقصات فى شراء الموحد هناك متغير ليس لأحد ان يتدخل فيه، المتغير أن الجهات الطالبة من العطارات و المناقصات اصيحت جهة واحده بدلا من عشر جهات على الاقل كانت يتطلب بنظام العطارات مناقصات بدأت هيئة الشراء الموحد تأديه الطلبات دى الجهات الطالبة بتعكسها فى مورد واحد بأقل الاسعار الراسية عند الهزيمة والخسارة المناقصات المستمرة فهناك تفاوت هيئة فى اعوام الترسية ٢٠١٦-٢٠١٧-٢٠١٩ فالاسعار المرساه للمنتج الواحد متفاوتة خرجت من هذا الاسلوب الشراء الموحد لتعظيم الاستفادة من الواردات القادمة من الشركات المختلفة فرضت اقل الاسعار وهناك فى مصر فى الفترة الحالية سنة ٢٠١٩-٢٠٢٠ رجعت الطاقات لصناعه المحاليل زادت عن حد الطلب هي كانت الفترات السابقة وفى عجز فى طلبات التعجيز استعاده بعض الشركات رجعت للانتاج اصبح الانتاج اللى موجود انعكس على قبول فى انخفاض السعر مع ذلك شركة النيل بعد ما خرجت الطلبات الخاصة فى شراء الطلب الموحد اوامر تشغيل بنحصل عليها لم ركزنا على نوعية منتج محدد اللى بنسمية اوروكاب ده قليل الانتاج بتاعه وهناك تزايد فى الطلب عليه تحولنا بأنتجنا الاوروكاب طلبيات الشهر ٢٠٠ الف وجهزين لكميات اللى عندنا اللى هي طلبية المختلفة وترجع للطاقات المعتاده لتشغيل المحاليل المخزون بنعمل على تصريفه للجهات التى تقبل المخزون بالنوعية دى اللى بنسميها ريمولاج وحايتهى منه قريبا

تعقيب الجهاز المركزي

استاذ / محمد عبد الحميد المعطر :-

يعنى قسم المحاليل نقدر نقول انه حا يحصل استغلال الطاقة اللى يتم عليه بالشكل الامثل

الرد :- دكتور محسن :-

ده مؤكد مع استمرار اعمال الصرف مش هتتوقف على المبالغ المنصرفة دى صناعه مكلفة هنستمر العمل عليه الادوية اللى بتدى لشركة مكانه ومريحة احنا العام الماضى الشركة كسبانا ١٢ مليون من مجمل ٥٧ مليون مبيعات من الناحية الربحية هو مريح واحنا مركزين عليه ان شاء الله

ملاحظة الجهاز المركزي

استاذ / محمد عبد الحميد المعطر :-

بلغ صافي الرصيد المدين لشركة ادميرال فارما فى ٢٠٢٠/٦/٣٠ نحو ١,٦٢٣ مليون جنيه هذا بخلاف شيك مرتد بنحو ٦,١٢٨ مليون جنيه فى ٢٠٢٠/٧ لتصبح اجمالى مديونية العميل ٧,٧٥١ مليون جنيه وذلك بعد تخفيضها بقيمة البضاعة المستردة منه بمعرفة الشركة ودون سابق اخطاره وهو ما قمنا بتحرير محاضر اثبات حالة بشأنه مؤرخة ٢٠٢٠/٥/١٣ و ٢٠٢٠/٧/١٦ وقد تبين التعاقد مع العميل ومنحه تسهيلات ائتمانية مقابل الحصول على وثيقة تأمين قروض لصالح الشركة بمبلغ ٢٥ مليون جنيه "على خلاف المتبع مع باقي العملاء" مما يعد وسيلة ضمان غير كافية وتتطلب اتخاذ العديد من الاجراءات لصرف التعويض وقد تضمنت شروط الوثيقة بند يتيح لشركة التأمين إلغائها بمجرد اخطار الشركة وهو ما قامت به شركة التأمين فى ٢٠٢٠/٤/٢٦ وقد تم ارتداد جميع الشيكات المقدمة من العميل بنحو ٣٤ مليون جنيه والذي على اثره تم وقف التعامل معه وقامت الشركة باسترداد جزء من بضاعتها طرفه متضمنة أصناف من منتجات شركات أخرى وتم انذار كل من العميل وشركة التأمين فى ٢٠٢٠/٤/٢٧، ٢٠٢٠/٥/٤ على التوالي لسداد قيمة المديونية التي تم حصرها بمعرفة إدارة التحصيل بنحو ٢٣,٧٧٢ مليون جنيه بالإضافة للفوائد القانونية من تاريخ الإنذار وحتى تاريخ السداد، وكذا تقدير الشركة انخفاض لمقابلة مديونية العميل بمبلغ ٤ مليون جنيه مما يتعين معه تحديد المسئولية بشأن ما سبق هو العميل دخل على الشركة بأسلوب ان היאخذ بأرقام كبيرة الشركة استجابات الى حد كبير من التعاملات معاه كان فى التعامل بوثيقة جديدة اول مرة نتعامل بها فى الشركة خلاف خطابات الضمان فالبتالى وجدت الشركة انها فى مأزق لما العميل تعثر اكثر من مرة فأبتدت الاجراءات كنت احب التوضيح معلىش .

الرد :-

رئيس القطاع المالى : محمد عبد العزيز :-

هو فى اول تعثر للعميل تم التوقف العمل معاه وفى نفس الوقت تم اتخاذ كافة الإجراءات القانونية ضد شركة التأمين و شركة ادميرال فارما لضمان حق الشركة، و قد تم توجيه انذار الي العميل وابلغ شركة التأمين و ابلاغ النيابة العامة و هيئة الرقابة المالية طبقا لبنود الوسيطة عشان نأمن نفسنا .

- هذا وقد تم تكوين المخصص اللازم لهذا الغرض بحوالى ٤ مليون جنيه
- و بشأن الإستحواذ على البضائع نفيد بأنه تم استعادة الحيادة على البضائع بغرض الحفاظ عليها من التلف من التخزين الغير جيد و بطريقة ودية مع المدير المالى لشركة ادميرال .
- والموضوع محال للشنون القانونية لإتخاذ اللازم تجاة الجهات المعنية .

تعقيب الجهاز المركزي

استاذ / محمد عبد الحميد المعطر :-

طيب واخر خطوات اللي تمت مع شركة التأمين بشأن التعويض اية اللي تم ؟

الرد :-

رئيس القطاع المالي : محمد عبد العزيز :-

جارى اتخاذ اللازم .

تعقيب الجهاز المركزي

استاذ / محمد عبد الحميد المعطر :-

يعنى في اى رد من شركة التأمين افادت انها في نقطة معينة ومحدده ام لا ؟

الرد :-

رئيس القطاع المالي : محمد عبد العزيز :-

هو طبعاً من خلال الرقابة المالية يعتبر تعاملنا مع الرقابة المالية مش مع شركة التأمين

تعقيب الجهاز المركزي

استاذ / محمد عبد الحميد المعطر :-

طيب الرقابة المالية افادت بأى حاجة فيما يتعلق بالتعويض اكثر فاعلية للوثيقة ؟

الرد :-

رئيس القطاع المالي : محمد عبد العزيز

- سمعنا ان فى اجراءات تمت بس مش فعلية احنا مشيين فى الاجراءات السليمة ان شاء الله للحصول على التأمين المناسب

الرد :-

رئيس مجلس الادارة : محسن فاروق :-

بدون الدخول فى تفاصيل كثيرة عاوز اوضح نقطتين مفيش عميل بحجم المستهدفات اللي كان بيتعامل بيها يستطيع يضع خطاب ضمان

تعقيب الجهاز المركزي

استاذ / محمد عبد الحميد المعطر :-

لكن المفروض اكون حذر فى التعامل .

الرد :-

رئيس مجلس الادارة : محسن فاروق :-

درة قانون والقانون واللوائح والنظم بتحتم وجود خطابات ضمان لكن واقع الامر معظم التعاملات التجارية لكل شركات مصر مع الموزعين بيتم بجزء من خطابات الضمان لا يغطى حجم النشاط ما قامت به الشركة لانه عميل جديد بمستهدف ضخم زي ماسيادتك وضحت انه كان عنده من اساليب الاقتاع اللي بيقتع الشركات انه عنده من الثقة وحجم الاعمال تسمح بتصنيفه بعميل مميز الشركة هنا خدت الاجراء انها تزود التأمين بجانب مبلغ مقدم يوازى ٢٠% من مجمل اى عملية بمعنى خطاب الضمان اللي بيمثل من حجم التعامل الشركة هنا بتاخذ ٢٠% جزء من اى طلبية يتم وتعتمد على هذا الاجراء بره التأمين طبعاً بنعترف مثل هذه التعاملات المالية لن ولم نتوقف لا فى الماضى ولا المستقبل مثل هذه الاعمال التعثر كيفية بتاعتنا ان نتخذ الاجراءات الاحترازية لمنع حدوث مثل هذه الافعال ان هتكلم لأول مرة فى هذا الموضوع الشركة مكنتش فى دافع بتاعها لم يكن استرداد وتقليل الخسائر فقط لكن كان الدافع بتاعنا استعادة الحيازة فى هذه المنتجات بعد ما فقد السيطرة عليها من العميل المتعثر ادميرال فاصبحت هذه المستحضرات وهذه الكميات من الادوية مسنولية الشركة امام السلطات القضائية لمنع الغش التجارى ودى مسنولية بتقع فى الاول والاخر على الشركة المنتجة وليس الموزع فاده الدافع نحن نتحصل عليه واحنا مش فى حل اننا نقول بتنسيق مع السلطات الرقابية السلطات الرقابية مش ظابط فى نقطة السلطات الرقابية الموجودة فى مثل هذا الاجراء اللي حضرتك ذكرتها ممكن اوضح لحضرتك هذا عمل من اعمال المعتاده التى تحدث فى مثل هذه الاعمال احنا شركة النيل رفضنا ان نضيع يدينا على ادوية لاتخص شركة النيل وانا بأؤكد هذا نحن لا نضع ايدينا على ادوية واصناف خاصة بشركات اخرى والخطأ تم اصلاحه وانا أؤكد لحضرتك احنا قعدنا اربع ايام فى العملية

محمد

تعقيب الجهاز المركزي

استاذ / محمد عبد الحميد المعطر :-

اربع ايام فيما يتعلق بنقل البضاعة يعنى .

الرد :-

رئيس مجلس الادارة : محسن فاروق :-

نعم انا باكد لحضرتك وطبعا ان الخطأ تم اصلاحه هذا لا يتم عن طريق الورق مينفعش

تعقيب الجهاز المركزي

استاذ / محمد عبد الحميد المعطر :-

لكن بعض المنتجات من منتجات شركات اخرى كانت موجودة فى المخزن

الرد :-

رئيس مجلس الادارة : محسن فاروق :-

وتم التصرف فيها

تعقيب الجهاز المركزي

استاذ / محمد عبد الحميد المعطر :-

انصرفت فيها ازاي وهى متخصصيش ومتخصصش الشركة ازاي تم ارتجاعها ؟

الرد :-

رئيس مجلس الادارة : محسن فاروق :-

تم ارجعها لاصحابها لانه لا يوجد

تعقيب الجهاز المركزي

استاذ / محمد عبد الحميد المعطر :-

صاحبها مش موجود

الرد :-

رئيس مجلس الادارة : محسن فاروق :-

صاحبها هو المنسوب عليه انا اتصلت بالشركة المنتجة الكلام ده مينفعش يبقى على اوراق وطلعت المنتجات دى كلها اعمال خارج النشاط بس احنا نغلق على انفسنا استمرار الخطاء ده ومينفعش ارجعه لشركة اميرال لانه كيان متلاشى غير موجود ما رآته واتخذتة من اجراءات الشركة المنتجة لها ادوية اتصلت بيهم وده اللى مينفعش نتكلم فيه وده اللى بناكد عليه اللى مينفعش تكتب فى ورق

تعقيب الجهاز المركزي

استاذ / محمد عبد الحميد المعطر :-

او ك فى حالة ان اميرال ظهرت بعدين وسأل ع بعض الحاجات التى لاتتعلق بشركة النيل

الرد :-

رئيس مجلس الادارة : محسن فاروق :-

انا متخذ القرار وانا المتحمل نتائج هذه العواقب المنتجات دى لا تعدى قيمتها ب ١٠٠ الف جنية تقريبا ابقى ادفعهم انا معنديش مشاكل خالص انا مبدخلش هذا الامر فى عملية استيلاء والحصول على اشياء غير مستحقة بالنسبة لشركة النيل

تعقيب الجهاز المركزي

استاذ / محمد عبد الحميد المعطر :-

يعنى تم ارجاع هذا بأوراق ومحاضر استلام

الرد :-

رئيس مجلس الادارة : محسن فاروق :-

لو كان ينفع نعملهم بورق كنا عملناهم فى وقت ناخذ ورق كنا عملنا كده بس دى اشياء رجعاها لاصحابها

محمد

د / احمد حجازى :-

يا استاذ محمد اعترض حضرتك على انهم خدو بضاعتهم ولا خدو بضاعة غيرهم حضرتك بتتكلم فى عملية اخرى هو دلوقتى بيحمل بضاعة ف اللى قدامه بيحمله فى كراتين انا لو مكانه هعمل كده وحضرتك لو مكانه هتعمل كده لم تكون شركة واخده بضاعة ب ٢٣ مليون جنية اولاً زى محضرتك تفضلت فى الاول بأن الاجراء دة مش متبع ولكن هو اجراء هيسود السوق المصري قريباً جداً استحاله حد يدفع خطاب ضمان ويلتزم بيه الا فى شركة هتحقق نص اللى بتحقة كل الشركات بتأخذ خطابات ضمان ومسحوباتها الفعلية بتبقى اضعاف خطاب الضمان الحل الامثل هو تأمين على عدم السداد ولكن بيبقى فائق التشغيل ف هنا ما يأخذ على الموضوع مش انه اتخذ اسلوب غير متبع هو ما يأخذ موضوع ان الوثيقة مكنتش مكتملة والموضوع ده هيسود فى مصر الفترة القادمة شركات التأمين وشركات تأمين ضد المخاطر الشركات وعشان كده بقول لحضرتك الحوار هنا اننا لجننا لاسلوب غير معترف بيه كون ان الشركة خدت حاجة مش بتاعتها هما معندهم رشافية الوقت وهما ببسحبوا بضاعتهم انه يقعد يفرز ويجنب ويقول دى تبغنا ولا مش تبغنا بس حضرتك ممكن تتأكد ان فى حصر للدوية التى لاتخص شركة النيل ممكن التأكد من صاحبها او جرد فى طرق اخرى كثيرة عاوز اعرف بس استفسار حضرتك عن الاجراء ولا البضاعة التى لاتخص الشركة

تعقيب استاذ / محمد عبد الحميد المعطر :-

اصل رد الدكتور محسن ان مفيش بضاعة تخص الشركات الاخرى .

د / احمد حجازى :-

ما هو قال رجعتها لشركة بتاعتها

تعقيب استاذ / محمد عبد الحميد المعطر :-

منا لما سألته وضحلي انه رجعتها ، فجزئية انه رجعتها ماتمتمش الى علمي

د / احمد حجازى :-

شكراً يا فندم

ملاحظة الجهاز المركزي

استاذ / محمد عبد الحميد المعطر :-

مازالت الشركة لم تقم بإجراء مطابقة مع العميل / موندي فارما البالغ رصيده نحو ٤,٧٤٦ مليون جنية في ٢٠٢٠/٦/٣٠ اكتفاءً بمذكرات التسوية المحررة مع العميل وذلك على الرغم من اعتراض العميل على سداد نحو ٢,٥٦٣ مليون جنية قيمة فرق خط البيتاين والغرامة الخاصة به وكذا فرق مصاريف شركة الجمهورية والتي قامت شركة الجمهورية بتحميلها للشركة واحتساب غرامات على عدم سدادها حتى ٢٠٢٠/٦ كما لم يتم مطابقة العميل بسداد نحو ١,١٧٩ مليون جنية تتمثل في فرق ضريبة الاتاوة وبعض قطع غيار لخط البيتاين تم شراؤها منذ ٢٠١٧، كما لم يتم تغيير العقود المبرمة معه لتصبح بنظام التشغيل للغير "TOLL" بالإضافة إلى عدم اشتراط تقديمه شبك بنكي فور استلام مشمول الفواتير باستحقاق ٦٠ يوم وعدم وجود خطاب ضمان يكفل السداد على الرغم من قيام الشركة بتسوية ما يتم شراؤه منهم ومنحه شيكات آجلة هذا بخلاف تأخره في ختم الفواتير الخاصة به.

الرد :-

رئيس القطاع المالي : محمد عبد العزيز

- يتم التسوية حالياً بين الشركتين علي فترات متقاربة جداً وهذا يتضح من الارقام المذكورة التي توضح الحساب المدين والدائن لشركة موندي فارما

واخر محضر تسوية كان بتاريخ ٢٨ / ٦ / ٢٠٢٠ ، و تعد اجراء التسوية بين الطرفين مطابقة .

- تم مخاطبة شركة الجمهورية للأدوية بخصوص استبعاد الفروق الموضحة و جاري بحث الأمر بين الشركتين بشأن الخلافات وكذا المخاطبة بخصوص

فروق سداد غرامات و عمولات خط البيتاين الخاص بتحميلها على شركة موندي فارما وليس النيل .

ملاحظة الجهاز المركزي

استاذ / محمد عبد الحميد المعطر :-

عدم كفاية خطابات الضمان المقدمة من العملاء لمقابلة المديونيات الخاصة بهم رغم زيادة مسحوباتهم و دون اتخاذ اللازم من جانب إدارة الشركة حيث تبين وجود فواتير مفتوحة للشركات ابن سينا، المتحدة، فارما او فر سيز في ٢٠٢٠/٦/٣٠ بنحو ١٩,٦٨٩ مليون جنية، ١٠,٢٥٠ مليون جنية، ٦,٧١٥ مليون جنية في حين بلغت خطابات الضمان نحو ١,٥ مليون جنية ، ٢ مليون جنية، ٢,٤ مليون جنية علي التوالي .

الرد:-

بشأن مديونية شركات التوزيع تم سداد المديونية بالكامل خلال شهر ٧ و ٢٠٢٠/٨ و تم اخطار قطاع التسويق بالشركة بتعديل خطابات الضمان بما يتلائم مع المسحوبات الشهرية لتلك الشركات و خصوصاً بعد الزيادات السعريّة للمستحضرات و ما نتج ذلك من زيادة قيمة المبيعات .

ملاحظة الجهاز المركزي

استاذ / محمد عبد الحميد المعطر :-

أسفرت المطابقات مع بعض الشركات الشقيقة على الأرصدة في ٢٠٢٠/٦/٣٠ عن فروق مختلف عليها بنحو ١,٧١٩ مليون جنيه للشركات سيد واسكندريه ومصر للمستحضرات تتمثل في فروق تصنيع وفاقد تشغيل منها وعجز خامات لم يتم بحثها من العام السابق .

الرد:-

رئيس القطاع المالي : محمد عبد العزيز:-

بالنسبة لمبلغ ١.٧١٩ مليون جنيه لمديونيات الشركات الشقيقة يتم تسويتها اولاً بأول من خلال الحسابات المتبادلة بحسابات الموردين و في حال وجود خلاف بين الحسابات يتم اللجوء الي اللجنة الدائمة بالشركة القابضة للأدوية لفض هذا الخلاف و بالفعل جاري مناقشة بنود الخلاف مع شركة سيد بشأن اسعار التصنيع و كذا بحث الفروق مع شركات سيد ، الإسكندرية و مصر للمستحضرات و التسوية خلال الفترة يوليو / سبتمبر ٢٠٢٠

ملاحظة الجهاز المركزي

استاذ / محمد عبد الحميد المعطر :-

عدم تكوين مخصص بقيمة الفرق بين ما تم تحميله على مكتب الأهرام العلمي بنحو ٥,٦٦٠ مليون جنيه منذ عام ٢٠١٤ وبين المخصص المكون بنحو ٢,٥٨٨ مليون جنيه وهو متداول بالقضاء .

الرد:-

بشأن لمبلغ ٥,٦٦٠ مليون جنيه تم تكوين مخصص بنسبه ٥٠% من المبالغ المستحقة للشركة طرف مكتب الاهرام العلمي بناء على الخطاب الوارد من الإدارة العامه للشئون القانونية بالشركة و الذي افاد انه تم نظر الدعوي المرفوعه من الشركة ضد مكتب الاهرام العلمي امام الخبير المنتدب في الدعوى و الذي انتهى تقريره الي احقيه الشركة في المطالبه بالمبالغ محل القضية المرفوعه

ملاحظة الجهاز المركزي

استاذ / محمد عبد الحميد المعطر :-

عدم قدرة الشركة على سداد التزاماتها لشركة الجمهورية للأدوية البالغ رصيدها الدائن نحو ١٣٣,٥٥٦ مليون جنيه في ٢٠٢٠/٦/٣٠ تحملت عنه غرامات بنحو ٢٠,٣٧١ مليون جنيه .

الرد:-

رئيس القطاع المالي : محمد عبد العزيز:-

جاري النظر في جدولة الديون المستحقة لشركة الجمهورية والسداد وفقاً لجدول زمني و بالتسويق مع شركة الجمهورية مع توفر السيولة اللازمة للسداد .

ملاحظة الجهاز المركزي

استاذ / محمد عبد الحميد المعطر :-

عدم سداد نحو ٤.٤٠٨ مليون جنيه رصيد مصلحة الضرائب (ضريبة الدخل) يخص ضريبة ٢٠١٦/٢٠١٧ .
تضمنت الارصدة الدائنة نحو ١,٣٨١ مليون جنيه قيمة ضريبة الإتاوة و المتضمن بالإقرار الضريبي منذ ١٩٩٧ يتعين بحثها.

الرد:-

سيتم بحث تلك المبالغ و اجراء التسوية في ضوء النتائج منعاً لتحمل الشركة غرامات عدم السداد .

ملاحظة الجهاز المركزي

استاذ / محمد عبد الحميد المعطر :-

تحملت الشركة في ٢٠٢٠/٦/٣٠ أعباء بنحو ٤٧,٣٨٢ مليون جنيه تتمثل في خسارة في البيع والمخزون بنحو ١٢,٧١٦ مليون جنيه، نحو ٢٥,٧٢٤ مليون جنيه قيمة تعويضات وغرامات شركتي الجمهورية والمصرية نتيجة عدم السداد أو التوريد، نحو ٥ مليون جنيه فوائد مدينة، نحو ٣,٥٧٦ مليون جنيه قيمة أصناف منتهية الصلاحية وفاقد غير طبيعي ونحو ٣٦٦ ألف جنيه أعباء أخرى.

الرد:-

رئيس القطاع المالي : محمد عبد العزيز:-

- بشأن ١٢.٧١٦ مليون جنيه خسائر البيع لبعض المستحضرات عن التكلفة من منطلق مراعاة للبعد الاجتماعي للمريض المصري ، والحفاظ على وجود المستحضر في سوق الدواء ، وجارى العمل على إعادة التسعير لتلك المستحضرات .
- بشأن مبلغ ٢٥.٧٢٤ مليون جنيه تعويضات و غرامات شركة الجمهورية و المصرية نتيجة عدم السداد او التوريد و جاري العمل على جدولة الديون المستحقة لشركة الجمهورية مع مراعاة الالتزام بالتوريد طبقاً لمتطلبات الشركة المصرية لتجارة الأدوية تجنباً للغرامات الموقعة على الشركة .
- بشأن مبلغ ٥.٠ مليون جنيه فوائد مدينة تحملتها الشركة نتيجة للتسهيلات الممنوحة من البنوك نفيد بأنه مقابل الفوائد المدينة فوائد دائنة خلال العام بلغت ٦.٠ مليون جنيه و جاري العمل على توفير التمويل الذاتي تجنباً للمزيد من الفوائد وان شاء الله السنة دى ميقاش فيه فوائد مدينة خالص .
- بشأن ٣.٥٧٦ قيمة اصناف منتهية الصلاحية و فاقد غير طبيعي فالأمر يرجع الي بطء تصريف بعض المستحضرات التي تم انتاجها لفترات سابقة و تسعى الشركة الي الحد من انتاجها فى الوقت الحالى .
- وبشأن الفاقد الغير طبيعي فالأمر يرجع الي التقادم لمعظم الآلات و الماكينات اللازمة للإنتاجية للشركة و تسعى الشركة الي ترشيد نسب الفاقد و ذلك بالصيانة المستمرة لمعدات الإنتاج و اجراء اعمال التطوير المناسبة و المطلوبة و العمل على الاحلال و التجديد للماكينات .

تعقيب الجهاز المركزي

استاذ / محمد عبد الحميد المعطر :-

بالنسبة للاصناف المنتهى الصلاحية ياريت سرعة التصرف فى الاصناف قبل انتهاء صلاحيتها قبل ما تقترب على انتهاء صلاحيتها

الرد :-

رئيس مجلس الادارة : محسن فاروق:- ان شاء الله

استاذ / محمد عبد الحميد المعطر :- شكرا يافندم

دكتور / احمد حجازى:- شكرا يافندم

السادة مقيمي الاداء افضل

بسم الله السيد الاستاذ الدكتور رئيس الشركة القابضة للأدوية للكيمياويات والمستلزمات الطبية رئيس الجمعية السادة اعضاء الجمعية السلام عليكم ورحمة الله اقدم لسيادتكم تقرير مراجعة تقويم الاداء لشركة النيل الادوية للعام المالى ٢٠٢٠/٢٠١٩ لصالح الشركة نذكر منها : تحقيق الشركة للقيم المستهدفة لها معظم النشاط الاساسية للشركة عن رغم ايجابيات الطاقات انتاجية لمعظم الاقسام الانتاجية فى اعمال المقارنة الى ان الشركة قامت باستغلال كلمه طاقات الانتاجية بموافقتها بخمسه مراحل انتاجية فى اعمال مقارنة نذكر منها تعبئة املاح فوار تجهيز وتعبئة املاح فوار وترتيبها بنسبة استهلاك طاقة بطاقة فى بعض المراحل بأنها لاتزال تعد منخفضة تمت فى قسم تنفيذ فى لحام البولات مجفدة حيث بلغت النسبة ٣٥% تقريبا من ٢٠% انخفضت نسبة التمويل الاصول قصيرة الاجل ٥٠% مقابل ٥٦% عن العام السابق ارتفاع رصيد العملاء واوراق القبض بحوالى ١٢ مليون الى ان انخفضت فترة السداد انخفضت ٧٠ يوم مقابل ٨٣ يوم وكذلك انخفضت متوسط فترة السداد الى ١٧٩ يوم مقابل ٢٠٥ يوم و اخير ارتفعت نسبة التداول الى ١٦٦% مقابل ١٤٠.٦% تعادل نسب مقبولة كما ارتفعت نسبتي السيولة والنقدية الى ٥٧.٢% ، ٢٦% ، ٢٧% وتلك نسب تعتبر ضعيفه بتشير الى ضعف مقدرة الشركة وقصيرة الاجل وشكرا

دكتور / احمد حجازى شكرا يافندم

حد حبيب يعلق من السادة اعضاء الجمعية العامة

بسم الله الرحمن الرحيم

اسامة طنطاوي :- مساهم

اولا انا كنت هقدم مجموعه استفسارات الشركة فابالتالى حاجتجنب السؤال عن الاستفسارات اللى سمعت الرد عليها اولاً انا بشكر الادارة الحالية دكتور محسن ربنا يوفقه ويقويه على الشركة والدكتور هشام عبد العزيز ايضا ادى اداء كويس جدا للشركة فى خلال سنتين مر عليها اربع رؤساء مجلس ادارة د/ اسامة ، د/ منى ، د/ هشام ، د/ محسن وهذا يودى على عدم الاستقرار فى الشركة اوبالرغم من ذلك الشركة قدرت تقف على رجليها و قدرت تحقق اللى احنا شفناه السنه دى دكتور احمد كان حابب يعرف ايه سبب الارباح اللى حصت السنة دى ف انا عاوز ارد عليه اولاً هو فضل طبعا للادارة بس فيه فضل كبير للجهاز المركزى للمحاسبات خصوصا الفريق السابق كان استفساراته وطلباته كانت شرسة جدا ولو رجعنا للمحاضر السابقة وبنشوف الجهاز المركزى للمحاسبات فى الاعوام السابقة ملاحظة كانت خطيرة جدا دكتور هشام والدكتور محسن الحمد لله هذا النقاط قدرنا نتلافياها ثم النقاط اللى ناوى اتكلم فيها

اولا حاجة مجلس ادارة السيد رئيس الشركة عرض بعض البنود اللى هيتوافق او هيتصدق عليها لكن هو لم ينوه عن بند على توزيع ارباح ولم ايضا ينوه عن بند اقرار قانون ٢٠٣ لمجلس النواب فى الجريدة الرسمية بعد اعتماده من سيادة رئيس الجمهورية حفظة الله فكان المفروض ينوه عليه من الجهاز المركزى فلم ينوه على هذا الجزء وده جزء مهم جدا ان ده قرار رئيس جمهورية فان اللازم بيه الشركة والشركات التابعة وللأسف الشديد هذه الجزئية لم تنشر حتى الان بشكل رسمى فى الثلاثة شركات اللى حضرناهم قبل كده حضرتك حطبتها فى الدورات السابقة

دكتور / احمد حجازى :-

تسمحلى ارد عل حضرتك لا فى حاجة اسمها النظام الاساسى مش الانحة التنفيذية قبل الانحة التنفيذية فى حاجة اسمها النظام الاساسى لشركة لازم الشركة تقدمه ويتراجع فى الشركة القابضة وبعدين يروح الوزاره عشان يتعرض فى جمعية غير عادية لاقرار النظام الاساسى هو مفيش ما يببر دلوقتى توجه لان حتى لسة الوزارة مديه مهلة للتغير والانحة التنفيذية لسة منزلتش فمفيش حاجة مغفلة يعنى .

اسامة طنطاوي :- مساهم

القانون ده هدفه الاصلاح وان دورى انى انوه عنه على اساس الشركات تبده تشتغل عليه عشان الشركات دى عملت زيادة راس مال زى شركة ممفيس ممكن الشركة تتحول لقانون ١٥٩ وتخرج من عباءة قانون ٢٠٣ بفرض بس ارجع للموضوع الرئيسي عشان وقت حضرتك طبعا طلبت مساحة الاراضى والجهاز قدم الطلبات فى مصيف جمصة وعمارات الشركة السعودية بس انا كنت عاوز انبة ان وزير الاوقاف اجتمع مع وزير الزراعة ووزير النقل وحل كل المشاكل اللى زي دي فليه الشركة القابضة مدخلتش فى استرجاع حقها فى هذه الارض اللى هى ليها طبعا مساحة كبيرة دى

حاتبقى مهمة جدا فى القطاع مزيد من دخل الشركة فده محصلش من الشركة بالنسبة لموضوع التسويق والتطوير الى اخره طبعا نظام ERP نلاحظ انه متنفذش لحد دلوقتى برغم ان كل سنة فى توصيات على كل الشركات الخمس شركات اللى فى البورصة والرقملة نفس القصة حضرتك علقت عليها فى القاهرة وشركات اخرى هفضل لحد امتى مش عارفين المخزون بتاعنا قد ايه فى الشركات ولحد امتى الخامات قد ايه فى الشركات ولحد امتى مش عارفين داتا للموظفين او التسويق ف دى طبعا ملاحظة بكررها كل سنة طبعا فى جزء تانى مهم جدا انا طلبته من الشركة ليها ارض كبيرة ومخزن فى العامرية ك ٣١ طلبت تحديد المساحة للأسف الشديد مفيش اى موظف بيدينى المساحة كاملة لهذا القطعة وانا لوسألت دلوقتى مساحة هذه الارض ومساحة مخزن العامرية كام ودى طبعا مساحة الارض كويس وموقعها كويس جدا ممكن نستخدمها فى الاستثمار العقارى ويارىت حد من الشركة يقولنا مساحتها قد اية مفيش ؟

- رئيس القطاع المالى : محمد عبد العزيز :-

حضرتك كنت طالب بالنسبة للاراضى العامرية هو ٢ فدان و ١٣ قيراط و ٩ اسهم تمام وحضرتك لم طلبتهم منى ما اعترضناش عليك .

اسامة طنطاوي :- مساهم

المفروض تنوه على المساحة من غير متدينى فرصة انى اسألك يعنى فى كل الاحوال بشكر حضرتك ان اللى بتمنى الشركة القابضة تدرس امكانية تحويل هذه الارض الى استثمار عقارى لانها فى مكان مهم جدا كثافة سكانية عالية جدا وفى اراضى بديلة بالقرب من الاسكندرية ممكن الشركة تستخدمها كمخازن

محمد

هناك بالنسبة للجزئيات دى انا طبعاً بطلب من / عواطف عبد العزيز امين السر تكتب الى انا هقولة ده فى المحضر بنفس النص اتخذ مجلس النواب بشكل نهائى الموافقة على مشروع قانون مقدم من الحكومة بتعديل بعض احكام قانون الشركات قطاع الاعمال العام السابق الصادر بقانون ٢٠٣ لسنة ٩١ ووافق المجلس بثلاثى الاعضاء خلال الجلسة ٢٠٢٠ وتم نشر قرار اعتماد رئيس الجمهورية السابق حفظه الله قانون رقم ١٨٥ لسنة ٢٠٢٠ بتعديل بعض احكام قانون شركات قطاع الاعمال الصادر بقانون ٢٠٣ لسنة ٩١ بالجريدة رسمية العدد ٣٦ مقرر أ فى ٥ سبتمبر ٢٠٢٠ بطلب من الشركة القابضة العمل فى اسرع وقت على تنفيذ توجهه سيادة الرئيس الجمهورية السيد الرئيس موافق على القانون واحنا لسة بندور ان الشركة تبعت لنا التعديلات يمكن اللانحة التنفيذية فبطلب سرعه دراسه التعديلات واثرها مجلس الادارة رئيس مجلس الادارة العاملين الارباح المفروض القانون تعدل عشان يصلح هذه الجزئية الجزئية الثانية فى بيان ايضاحات قائمة الدخل انا شايف ان الشركة برغم عملت ٩٣ مليون وعندها بعض الادوية وبعض المستحضرات اللى صلاحيتها انتهت لم تتبرع بأى شئ بند التبرعات رصيدها صفر هو لو ممكن ان الادوية اللى اوشكت على الانتهاء نتصرف فيها للجمعيات او الدول الشقيقة زى ما عملت الشركات ممفيس وشركات اخرى من اللى حققت ٩٣ مليون بعض المستحضرات اللى هتفقد صلاحيتها فى دى تاخذ فى الاعتبار برغم فى نشاط ٥٢٢ الف بشوفها فى كل الجمعيات بالنسبة للكوبون يتم الاشارة بما قام به رئيس مجلس الادارة لتوزيع الارباح برغم انه فى الميزانية ان فى كوبون بقيمة جنية بحجم ١٠ مليون وكسور فحصة العاملين ١١.٥٠٣ مليون السؤال هلى الشركة هتوزع كوبون ولا تصيقة لبند الارباح المرحلة السنة اللى فاتت لم يتم توزيع الكوبون السنة دى حصل فى العربية تم الغاء توزيع ربع سهم مجانى طبعاً ده قرار قاسى على المساهمين فانا بطلب من الشركة الالتزام بتوزيع كوبون جنية او اكثر كمان ده تعويض المساهم انه فضل فى الشركة السنين دى كلها فا ميحلمينش اخطاء مجالس الادارات السابقة طبعاً كل شخصيات اللى مسكت الشركة شخصيات على اعلى مستوى فى الادارة فا مش مشكلتهم ان كانوا بيتعاملوا مع ادارات بتاخذ قرارات فردية زى الملاحظة اللى قالها الجهاز المركزى فى موضوع اميرال فارما المفروض متعديش بالشكل ده وسبب اولاً بنعالج الخطأ بخطأ انا طلعا ومخدناش ضمانات وخطأ انا دخلنا وخذنا البضاعة كانها نوع من انواع القرصنة كمان ايه اللى هيحصل لو اميرال فارما فى المستقبل طلبت تعويض ١٠٠ مليون جنية طبعاً الشركة القابضة هتبقى واقفة فى المقدمة فى الجزئية دى فا انا بطلب من السيد رئيس الشركة القابضة انه يتعامل مع الشخص اللى اصدر القرار انه يقتحم ويستولى على ما ليس له حتى لو كان جزء فا فى اجزاء تانية ممكن اميرال تقول انا كان عندى بضاعة ١٠٠ مليون جنية فا ده خطأ بخطأ وده استمرار لسياسة للصف الثانى والصف الثالث اللى موجود فى الشركة اللى دايماً بيخيلنا ندخل فى مشاكل مختلفة طبعاً مش عايز اطول اكثر من كده لان فى جمعية تانية جمعية ممفيس فى بس ملاحظة اخيره سياسة الشركة ان الشركة بتتعامل مع بنك العربي الافريقى وبنك قطر طبعاً مقاليش فى بنك العربي الافريقى الودائع مبلغها كام هو قالى انه فى وديعه ٤ مليون مقاليش المبلغ الودائع قد اية لم يتم ذكره فانا كاتب ان سوف يتم التعامل مع البنك الاهلى المصرى تمام انا بتوجه زى ما الدكتور احمد حجازى اشار ان فيه اتفاق مع البنك الاهلى لتمرير بان كل التعامل مع السياسة التمويلية لشركة او الشركات الشقيقة حتى لا نتعثر ولا نقع فى فوائد مستقبلية ومرة تانية بطلب ان الكوبون لم يتم الغاءه ولو ٢٠ قرش خير وبركة لان مخدناش السنة اللى فاتت ومرة تانية بشكر الدكتور محسن فاروق على شجاعة فى قبول هذه المهمة واتمنى له الصحة والعافية وشكراً لجميع الحضور .

دكتور / احمد حجازى

- شكراً حضرتك بس اثرت اكثر من نقطة رغم انى رديت عليك فيها حضرتك مصمم ان احنا مبنطقبش قرار رئيس الجمهورية سمعنى حضرتك تطبيق النظام زى ما فولت فيه تغير فى النظام الاساسى فى الشركة بيبقى فيه موافقات امنية لازم نحصل عليها من الجهات الامنية وده بيستغرق وقت فلاداعى خلط الامور ببعضها ان انت جى النهارده منتظر انه يتم تشكيل فى ضوء القانون الجديد بيقولك ان فيه اجراءات يجب ان احنا نتبعها واحنا عارفين ان احنا ماشيين صح - بالنسبة للكوبون اللى حضرتك بتقول ان رئيس الشركة ماثرهاش رئيس الشركة او مجلس ادارة الشركة لما بيقدم بيقتراح الجمعية هى اللى بتقر فا مش معقول رئيس الشركة هيفصح عن اقتراحه وهو لايعلم قرار الجمعية فا برضة مفيش لوم يوجه لرئيس الشركة انه معلقش على قيمة الكوبون مفيش قرصنة القرصنة بتتقال لما واحد بياخد حاجة مش حقة هى دى القرصنة ولو كان مخدش حاجة كان زمانا النهارده عاملين مخصص ب٧ مليون جنية كان زمانا عاملين ب٣٠ مليون جنية فا مش عايزين ناخذ الموضوع من الاخر ونقلوا اقتحام وقرصنة وخذ حاجة مش حقة وكان حضرتك مكنتش سامعنا من الاول احنا قولنا البضاعة اللى اتخذت ولا تخصص شركة النيل فردت لاصحابها كلمت قرصنة دى الحقيقة يعنى مش فى محلها فى حد تانى يحب التعليق لو سمحت

بسم الله الرحمن الرحيم رمضان عبد العزيز مساهم من شركة النيل

الاول نشكر سيادتكم الدكتور احمد فتحى ونشكر الدكتور محسن على ادارة الفترة الصغيرة دى وتحقيق حصول على معلومات ما شاء الله ربنا يزيد عن الشركة دى حاجة الحاجة الثانية زى الزميل اللى قال عشان من قرر موضوع التوزيع توزيع الدكتور محسن لم يقترض بي باقتراح يعنى يقترح توزيع الجنية عن السهم والجمعية العمومية تصدق اكثر او اقل ده قرار زى محضرتك قولته مظلوط بالنسبة للناحية الثانية بقى التحليل اللى هو فرق ما بين الارباح المحققة السنة دى و العام اللى فات بحوالى يتعدى ١٠٠٠% تقريبا ياريت الشركة تستمر فى كده على طول وتحقق نفس النتائج الكويسة دى كلها بس احنا

للأسف مش عارفين نوصل الفجوة الكبيرة دي فين بالظبط هل حضرتك زيادة الاسعار ولا ترشيد الاستهلاك ولا زيادة الانتاج ولا اية بالظبط ده بس شكرا يا احمد بيه .

دكتور / احمد حجازي : شكرا فى تعليق تانى

* نرجو اخلاء القاعة فى ميعاد الجمعية العامة لو سمحت

* استاذ شريف تلاوة قرارات الجمعية لو سمحت

الاستاذ شريف :-

قرارات الجمعية العامة العادية لشركة النيل للأدوية والصناعات الكيماوية بجلستها المنعقدة يوم الاربعاء فى ٢٠٢٠/٩/٣٠

- ١- التصديق على تقرير مجلس الادارة عن نشاط الشركة ومركزها المالى عن السنة المالية المنتهية فى ٢٠٢٠/٦/٣٠
- ٢- اتخاذ ما يلزم نحو تدارك الملاحظات الواردة بتقرير الجهاز المركزى للمحاسبات على القوائم المالية عن السنة المالية المنتهية فى ٢٠٢٠/٦/٣٠
- ٣- التصديق على القوائم المالية والحسابات الختامية للشركة عن السنة المالية المنتهية فى ٢٠٢٠/٦/٣٠
- ٤- اخلاء مسئولية مجلس الادارة عن السنة المالية المنتهية فى ٢٠٢٠/٦/٣٠
- ٥- التصديق على تقرير مجلس الادارة عن قواعد حوكمة الشركة عن السنة المالية المنتهية فى ٢٠٢٠/٦/٣٠ .
- ٦- توزيع الارباح وفقا لاحكام القانون رقم ٢٠٣ لسنة ١٩٩١ ولائحة التنفيذية والنظام الاساسى للشركة وفقا لما يلى
أ- نصيب المساهمين فى الارباح بواقع (١.٠٠) جنية نقدا عاندا على السهم عن السنة العام المالى فى ٢٠٢٠/٦/٣٠
ب- نصيب العاملين فى الارباح بواقع (١٩.٤٨٦) مليون جنية .
ت- نصيب مجلس الادارة بواقع (٨٠٢) الف جنية توزيع بالتساوى بين السادة رئيس واعضاء مجلس الادارة بالاضافة الى صرف مكافاة لرئيس مجلس الادارة والعضو المنتدب نظير تفرغة للادارة والجهود المبذولة خلال العام المالى ٢٠٢٠/٢٠١٩ بواقع (٤٩٠) الف جنية طبقا لموافقة مجلس الادارة الشركة القابضة للأدوية .
وذلك بمراعاة ما يلى
فى حالة تغير عضو مجلس الادارة خلال العام المالى مراعاة ما يلى :-
- يتم صرف المكافاه فى حالة تغيير عضو مجلس الادارة خلال العام بمقدار المدة التى قضاها العضو بمجلس الادارة خلال السنة .
- يصرف نصيب العضو كاملا فى المكافاه اذا كانت نسبة حضوره لجلسات مجلس الادارة ٧٥% فأكثر وتصرف بنسبه حضوره لجلسات مجلس الادارة منسوبة لاجمالي عدد الجلسات اذا كانت نسبة حضوره اقل من ٧٥% و ان تتحمل الشركة الضرائب المقرر قانونا
ث- يتم احتساب الاحتياطيات المقررة وفقا لاحكام القانون ٢٠٣ لسنة ١٩٩١ ولائحة التنفيذية مع مراعاة ان يتم احتساب الاحتياطى القانونى بنسبة ٥% والاحتياطى النظامى بنسبة ١% .

٧ - استمرار مجلس الادارة الحالى لحين توفيق الاوضاع وفقا لاحكام القانون رقم ١٨٥ لسنة ٢٠٢٠ بشأن تعديل بعض احكام القانون رقم ٢٠٣ لسنة ١٩٩١ مع اعادة النظر فى راتب العضو المنتدب ورئيس مجلس الادارة فى اقرب جمعية تالية .

توصيات الجمعية العامة :-

* اتخاذ ما يلزم نحو تعديل النظام الاساسى للشركة بما يتوافق مع احكام القانون ١٨٥ لسنة ٢٠٢٠ والعرض على الشركة القابضة للأدوية فى موعد أقصاه ١٥ يوم من تاريخه.

* العمل على تسوية فروق المطابقات وتحديد مدة لفحص الخامات والمستحضرات .

* العمل على تفعيل نظام التكاليف ودليل الحسابات وفقا لم تم الاتفاق عليه برعاية وزارة قطاع الاعمال العام .

د . احمد حجازى : شكرا لحضرتكم وكل عام وانتم بخير

- امين سر الجمعية : السيدة الاستاذة المحاسبه / عواطف عبد العزيز { محمد عبد العزيز }

- جامعى الاصوات

- الاستاذة / نجلاء السيد { محمد السيد }

- الاستاذ / مصطفى خيرى { مصطفى خيرى }

- السيد الاستاذ المحاسب / محمد عبد الحميد حسن المعطر { محمد عبد الحميد حسن المعطر }

مدير عام - نائب مدير الادارة

- السيد الاستاذ المحاسب / حسام محمد محمد عنان { حسام محمد محمد عنان }

وكيل وزارة - نائب اول مدير الادارة

- السيدة الاستاذة المحاسبية / ايمان عبد العاطى السيد { ايمان عبد العاطى السيد }

وكيل اول الوزاره - مدير الادارة

يعتمد ...

رئيس الجمعية العامه للشركة

د / احمد حجازى

